

大矣哉我佛之教也化導群迷闡揚
 宗性廣博宏辯英彥莫能究其旨精
 微妙說庸愚豈可度其源義理幽玄
 真空莫測包括萬象譬喻無垠綜法
 網之紀綱演無際之正教拔四生於
 苦海譯三藏之秘言天地變化乎陰
 陽日月盈虧乎寒暑大則說諸善惡
 細則比於恒沙含識萬端弗可盡述
 若窺像法如影隨形離六情以長存
 歷千劫而可久須彌納藏於芥子如
 來坦蕩於無邊達磨西來法傳東土
 宣揚妙理順從指歸彼岸菩提愛河
 生滅用行於五濁惡趣極溺於三業
 途中經垂世以難窮道無私而永泰
 雪山貝葉若銀臺之耀目歲月煙蘿
 起香界之自遠巍巍罕測杳難名
 所以道資十聖德被三賢至道起於
 乾元衆妙生乎太易總繫形類竅鑿
 昏明絕彼是非開茲蒙昧有西域法
 師天息災等常持四忍早悟三乘翻

貝葉之真詮續人天之聖教芳猷重
 啓運偶昌時潤五聲於文章暢四始
 於風律堂堂容止穆穆輝華曠劫而
 昏墊重明玄門昭顯軌範而弥光妙
 法淨界騰音利益有情俱登覺岸無
 成障礙救諸疲羸冥昧慈悲浩汗物
 表柔伏貪猥啓滌昏愚演小乘聲聞
 合其儀論大乘正覺立其性含靈悟
 而蒙福藏教缺而重興幻化迷途火
 宅深喻雖設其教不知者多善念生
 而無量潛臻惡業興而隨緣皆墮調
 御四衆積行十方澍花雨於金輪護
 恒沙於玉闕有頂之風不可壞無際
 之水弗能漂澄寂湛然圓明清淨之
 智慧性空無染妄想解脫之因緣可
 以離煩惱於心田可以得清涼於宇
 宙朕慙非博學釋典微聞豈堪序文
 以示來者如縻螢燭火不足比之於
 皎日將微蠡量海未能窮盡於深淵
 者哉

大方廣懺持寶光明經卷第一

要中印度摩訶薩那闍梨傳教師藏經高目婆伽婆譯
 如是我聞一時世尊在王舍城鵝陂岸

大方廣懺持寶光明經卷第一

梵授

彙

山中與大比丘衆百千人俱圓滿一
 切白法大師子吼智慧無量得大善
 利并諸菩薩摩訶薩衆其名曰
 普賢菩薩摩訶薩寶印手菩薩摩訶
 薩常現菩薩摩訶薩功德莊嚴菩薩
 摩訶薩福德音菩薩摩訶薩大慧菩
 薩摩訶薩德嚴菩薩摩訶薩金剛慧
 菩薩摩訶薩金剛藏菩薩摩訶薩金
 剛光菩薩摩訶薩金剛器仗菩薩摩
 訶薩妙金剛菩薩摩訶薩持地菩薩
 摩訶薩現一切法菩薩摩訶薩觀自
 在菩薩摩訶薩得大勢至菩薩摩訶
 薩堅牢慧菩薩摩訶薩金剛吉祥菩
 薩摩訶薩金剛手菩薩摩訶薩妙吉
 祥菩薩摩訶薩滅惡趣菩薩摩訶薩
 除一切煩惱慧菩薩摩訶薩安詳步
 菩薩摩訶薩離取捨菩薩摩訶薩拊
 檀香菩薩摩訶薩海慧菩薩摩訶薩
 難勝菩薩摩訶薩寶勝菩薩摩訶薩
 慧行菩薩摩訶薩辯積菩薩摩訶薩
 妙香菩薩摩訶薩慈氏菩薩摩訶薩
 如是等無量菩薩摩訶薩皆住不可
 思議解脫勇猛三摩地門亦得不空

大方廣懺持寶光明經卷第一

梵授

彙

無量音聲故觀一切音聲諸佛刹土寂然憺怕壽命無量得大名稱三界無著亦無破壞一切智者而為眷屬出生無量諸三摩地三摩鉢底能滿眾願皆悉到於般若波羅蜜多故獲得不空身語意業得住一切智智無量行願了達空無相無願解脫法門如是等諸大菩薩眾皆來會坐

尔時普賢菩薩摩訶薩於眾會中從座而起頂礼佛足而白佛言世尊法界應云何知佛言善男子此法界無性無能知者何以故善男子由如虛空離諸戲論非離戲論非取非捨非性非無性亦無處所善男子是故法界應如是知

尔時普賢菩薩復白佛言世尊法界應云何住佛言善男子處所尚無況復有住善男子此法界不可思不可議無自性無能了知善男子彼法界性不可知不可見普賢菩薩復白佛言世尊善提者為有幾何佛言善男子善提有無量相不可測量普賢菩薩言世尊法界復云何分別佛言善

男子法界本無分別普賢菩薩言世尊若法界不可分別者云何凡夫眾生而能解了佛言善男子有分別者即是一切愚迷眾生於無分別而生分別普賢菩薩白佛言世尊如來善提如是甚深微妙難解佛言善男子如是如是如汝所說佛復告言善男子善提者即一切法也離諸戲論是故無有分別

時彼眾中妙吉祥童子亦在會坐從座而起頂礼佛足白佛言世尊願為我等說此寶光明總持法門佛言善男子汝今問彼一切法海辯才菩薩摩訶薩彼為汝說於是妙吉祥童子如來是一切智者一切見者云何不說佛言善男子為有如是菩薩摩訶薩以是義故如來不說妙吉祥言唯然世尊如來何故不自說耶棄捨我等佛言善男子吾非棄捨有情界故善男子為欲顯示彼菩薩摩訶薩所說校量不可思議故時妙吉祥童子復白佛言世尊唯願

如來大慈無量為我說實寶光明總持法門佛言善男子汝今問此普賢菩薩摩訶薩必當為汝說此法門善男子當知此菩薩摩訶薩智慧無量妙吉祥言如來若令我問彼普賢菩薩摩訶薩我今當問佛言妙吉祥汝自己得微塵等三摩地門何故問於如來妙吉祥言世尊我非但一佛所說之法乃至一切如來所說具如實性我能憶持不忘由如今日佛言善哉善哉善男子汝今善說佛言妙吉祥汝當問此普賢菩薩摩訶薩總持法門時妙吉祥童子白佛言世尊此普賢菩薩摩訶薩深達實相大乘法行佛言善男子汝等皆是自在法王之子豈得異乎善男子汝福德無量了達空法得不可思議解脫三摩地門于時妙吉祥童子承佛聖旨普賢菩薩摩訶薩前合十指爪掌一心恭敬白普賢菩薩摩訶薩言佛子願為我說二字法門

時普賢菩薩言善男子汝今所問二字者何是時妙吉祥童子白普賢菩薩

薩言佛子覺與覺者二字為何等相
普賢菩薩言佛子覺本無相無性不
可思議無有等等離諸戲論非離戲
論非言議之所能及善男子是故諸
佛覺性如是妙吉祥言佛子若佛法
非戲論者云何佛法作如是說普賢
菩薩告妙吉祥言佛子離言說故作
如是說妙吉祥言佛子云何離言說
普賢菩薩言妙吉祥智離言說妙吉
祥言佛子智云何知普賢菩薩言妙
吉祥謂智無性智非無性妙吉祥言
佛子云何智無性智非無性應云何
說三乘法普賢菩薩言妙吉祥法界
離染云何有說妙吉祥言云何一切
法此亦無性云何說如來性無漏五
蘊性不可得故妙吉祥言云何菩提
有戲論耶普賢菩薩言佛子菩提無
有戲論非離戲論此菩提有戲論非
戲論者非言非說也是時世尊讚普
賢菩薩摩訶薩言善哉善哉善男子
如汝所說是不可思議法門幽邃深
遠是真實言天上人間無能解了時
妙吉祥童子白佛言世尊一切法不

可知不可見無法可說佛言善男子
如是如是時普賢菩薩摩訶薩復白
佛言世尊今此清淨法門難解難知
佛言善男子如是如是

是時海慧菩薩白佛言世尊此普賢
菩薩善說如是清淨法門佛言善男
子如是如是復次善男子一切諸法
清淨若此虛大法雨

是時平等寂靜婆羅大婆羅子白佛
言世尊此不可思議平等菩提離文
字相不可見離諸色相佛言善男子
如是如是法界性離泯絕諸相是時
妙吉祥童子白佛言世尊空云何相
為聲為色為是相好佛言妙吉祥空
離聲色離諸言說非離言說善男子
法性如是空離文字故說空又離言
故說空善男子空者一切法法之自
性故是時長老舍利弗白佛言世尊
如來觀此得大變現不可思議解脫
菩薩耶佛告長老舍利弗言此阿羅
漢智慧與初發心菩薩智慧甚遠何
況此菩薩故所以者何初發心菩薩
當得成佛阿羅漢終不能得是時一

切法自在王菩薩白佛言世尊如佛
所說我悉了知此聲聞應不得聲聞
法佛言善男子此聲聞非不得聲聞
法復次善男子若聲聞與菩薩對論
智慧有殊是故所不能及是時妙吉
祥白佛言世尊如來云何說此舍利
弗得智慧第一佛告妙吉祥如我所
說實無所得是時妙吉祥童子語長
老舍利弗言長老汝云何得聲聞法
舍利弗言我所不任妙吉祥言汝豈
非凡夫不也善男子妙吉祥言舍
利弗汝應云何學舍利弗言我無所
學妙吉祥言云何得智慧第一舍利
弗言我亦不任妙吉祥復語長老舍
利弗言汝既非凡夫又非智慧第一
為何人舍利弗言善男子我亦不
知汝智慧無量由如巨海是故我今
非汝對論妙吉祥言長老舍利弗莫
作是說汝自昔年宿德何故謙讓舍
利弗言善男子我雖昔年無德無證
復次善男子譬如一切差別萬法由
如巨嶽金剛一擊殞碎如塵善男子
汝亦如是於一毛孔所有智慧量等

微塵數一切衆生皆悉如我亦所不及善男子況我一人乎是故我今亦所不任善男子如大惡象其身偉大氣力便多人用其鉤而能制伏我亦如是善男子所以者何汝有大智力我力怯弱善男子汝等同於大龍云何我力與仁者敵長老舍利弗白佛言世尊如生盲人欲往他州在道路中決定不能見彼城邑云何而能周徧遊歷善男子此亦如是我對仁者如彼盲人我今亦亦佛道懸曠由來甚遠當云何知佛告舍利弗勿作是說如來威德能令一切衆生暫歷耳根尚得此法舍利弗況汝已得此不可思議三摩地故是時世尊說是法時天上人間有九萬二千衆生皆得是法

大方廣持寶光明經卷第一

第七

持

如是十方亦然彼佛世尊讚言善哉善哉法慧汝能入此菩薩無邊相應三摩地故復次善男子是時於一方有此一切十方十千佛剎微塵等如來位彼如是等一切如來皆同一号皆是世尊毗盧遮那如來最初威德本願力故得大善利乃至轉法輪彼如是等諸佛同說偈言
佛智本清淨 普周於法界及觀衆生界
徧入無礙智 無等相應門善一切言語
速得一切智 圓滿於諸法三世智皆圓
善說如是法
善男子汝今以佛威神力故說此菩薩十住法門是時彼佛世尊各以無礙智往照法慧菩薩復得如是三摩地門所謂無礙無斷不空法不空智無漏無際無盡無去無邊本性無著得如是等三摩地門是時彼佛世尊各伸右手摩法慧菩薩頂彼佛世尊摩菩薩頂已即時法慧菩薩從三摩地起告諸菩薩言佛子菩薩族類廣大無量周徧法界虛空界佛子菩薩摩訶薩於過去如來族中已生

大方廣持寶光明經卷第一

第八

持

現在如來族中今生未來如來族中當生是時彼諸菩薩摩訶薩告法慧菩薩言佛子如汝所說彼菩薩摩訶薩云何得過去現在未來諸如來族中生復云何說彼菩薩得菩薩住故彼諸菩薩摩訶薩告法慧菩薩言佛子善哉願爲我等說此菩薩十住法門彼過去佛已說現在佛今說未來佛當說佛子云何說菩薩十住法行所謂一發心住二治地住三相應住四生貴住五方便具足住六正心住七不退住八童真住九王子住十灌頂住佛子是爲菩薩十住法行此過去未來現在三世諸佛世尊已說今說當說佛子云何彼菩薩發心住謂此菩薩得觀諸佛世尊色相巍巍殊特妙好廣大無比說法廣大化衆生廣大見如是等廣大變現又聞廣大法故得未曾有復見如是苦惱衆生是故菩薩發阿耨多羅三藐三菩提心爲求如來一切智一切相智是故名爲初發心住又學如是十力何等爲十謂一趣非趣智力二過現未來

大方廣持寶光明經卷第一

第九

持

福業報智力三禪定解脫三昧智力
四至一切處道智力五無數種種界
智力六無數種種勝解智力七根勝
劣智力八宿住憶念智力九天眼智
力十無漏智力佛子此初發心菩薩
應學此十住力故彼初發心菩薩於
一切時恭敬供養諸如來故彼菩薩
安住稱讚故為世間最上第一世主
故求佛無量最上智慧故為求寂靜
相應三摩地故遠離輪迴故轉正法
輪故救度一切苦惱衆生故何以故
為真實法發心故聽受親近離諸散
亂相續不斷故佛子是故名為菩薩
初發心住佛子復云何名菩薩治地
住佛子此治地住菩薩為諸衆生先
發十種心何等為十謂信心念心精
進心慧心願心戒心護法心捨心定
心迴向心佛子此治地住菩薩復發
如是十種心故佛子此治地住菩薩
常念多聞相續不斷常樂奉事善知
識故供承親近於一切時能覺察故
發言謙敬故求堅固無畏智故發趣
菩提智故志求寂靜勇猛智故志求

妙法離諸虛假故心不迷惑何以故
謂發如是誠實心求一切佛法故乃
至隨方有聖法處躬自往彼聽受親
近離諸散亂相續不斷未曾暫捨佛
子是故名菩薩治地住佛子復云何
名菩薩相應住佛子此相應住菩薩
有十所觀求一切法何等為十謂求
一切無上法故遠離一切憂苦故觀
法無自性故空無體相故一切法無
有常故一切法不可度量故離諸疑
惑故不可改變故非有非無故非取
非捨故佛子相應住菩薩復觀一切
衆生界平等法界平等世界平等地
界平等水界火界風界虛空界欲界
色界無色界如是諸界悉皆平等何
以故謂如是一切法自性平等故為
求勝法往詣十方於諸佛前親近聽
受離諸散亂念念相續無有間斷佛
子是故名菩薩相應住佛子復云何
名菩薩生貴住得生十種圓滿淨業
解聖言說故何等為十謂此菩薩有
所說法衆必崇受漸漸增長堅固不
退了達諸法觀諸世間無壞滅故觀

一切業性離妄想故觀諸果報無取
捨故觀於輪迴無去來相故觀於涅
槃湛然寂靜故佛子此生貴住菩薩
得是十種圓滿淨業解聖言說故復
言佛子生貴住菩薩觀過去佛法平
等恒時憶念相續不斷故觀未來佛
法平等願當學故觀現在佛法平等
勤修習故觀諸佛法如是平等是故
得過去際未來際現在際於此三際
皆得值遇如是修習憶持不忘一切
佛法懇懇恭敬復觀過去佛法學平
等增長故未來佛法亦如是學平等
增長故觀現佛法亦如是學平等增
長故佛子此生貴住菩薩如是觀察
趣向一切佛法皆皆平等增長修習
故何以故謂三世平等最勝真實住
無虛假故乃至聞彼他方有如是法
親自往詣勤求精進心不散亂念念
相續無有間斷佛子是故此名菩薩
生貴住佛子復云何名菩薩方便具
足住佛子此方便具足住菩薩觀於
無量無邊無數阿僧祇不可思議無
等等衆生界由如虛空不生不滅自

性清淨同真際等法性如是觀察一切衆生是名菩薩方便具足住佛子此方便具足住菩薩有十種事所修善業皆爲方便利樂一切衆生故謂令一切衆生於無上道心不退轉故愛樂一切衆生不捨離故饒益安樂一切衆生故悲愍一切衆生故欲令一切衆生皆得不可思議解脫道故洗滌一切衆生業垢故攝伏一切衆生故欲令一切衆生歡喜無厭故以諸方便引導一切衆生故欲令一切衆生究竟涅槃寂滅樂故佛子此方便具足住菩薩如是乃至聞彼他方說如是法親自往詣勤求修習心不散亂念念相續無有間斷佛子是名菩薩方便具足住佛子復云何名菩薩正心住佛子此正心住菩薩有十種法應當樂聞勤求志意於佛法中得正心住佛子何等爲十謂說佛有色無色於佛法中得正心住說法有色無色於佛法中得正心住說菩薩所行之行有色無色於佛法中得正心住如是乃至說此衆生界大生衆

生界有煩惱衆生界無煩惱衆生界易化衆生界難化衆生界乃至大法界出生法界有色世界無色世界有法世界無法世界佛子此正心住菩薩如是乃至於佛法中聞此法故是爲菩薩得正心住佛子此正心住菩薩復聞此十種法故入理勤求乃至聞於一切無上法亦皆修學何等爲十謂無相無性無實無染遠離無著無自性如幻如夢離諸疑惑聞如是一切法故應勤修習何以故爲此正心住菩薩入於真實法門故如是乃至聞彼他方說如是法親自往詣勤求修習心不散亂念念相續無有間斷佛子是名菩薩正心住佛子復云何名菩薩不退住佛子此不退住菩薩聞十無著法於佛法中心不退轉故何等爲十謂聞非有佛非無佛此菩薩於佛法中心不退轉故非有法非無法於佛法中心不退轉故非有菩薩非無菩薩於佛法中心不退轉故非取菩薩非不取菩薩非離菩薩行非不離菩薩行菩薩非出生非不

出生於佛法中心不退轉故過去諸佛非去非不去未來諸佛非來非不來現在諸佛非住非不住如是三世諸佛智慧平等一相無相非盡非不盡離諸罣礙此菩薩聞如是法故非佛法中心不退轉故佛子如是名菩薩不退住佛子此不退住菩薩復聞十種法而能修習何等爲十謂聞一多衆生於一切法精勤修習故此勝義諦爲一多緣起爲勝義諦故即性即無性即相即無相即有色即無色離諸相好心決定懇懃修習何以故謂聞如是一切諸法因果該徹通達無礙真實法故成熟解了如是乃至聞彼他方說如是法親自往詣勤求修習心不散亂念念相續無有間斷佛子是故此名菩薩不退住佛子復云何名菩薩童真住佛子此童真住菩薩得十種法何等爲十謂得身業清淨口業清淨意業清淨得第一切衆生起心動念彼諸衆生凡所施爲悉能了知能知衆生如是解脫能知種種衆生界種種法界種種世界

及地界水界火界風界虛空界欲界色界無色界如是諸界悉能了知神通奮迅隨念而至佛子如是名菩薩童真住佛子此童真住菩薩復聞十種法而能修習何等為十謂聞一佛刹智振動一切佛刹觀一切佛刹訪尋一切佛刹遊行一切佛刹往詣阿僧祇世界問阿僧祇義趣遠離種種自性差別發一念心而能周徧阿僧祇佛刹聽聞修習故何以故謂聞如是真實法故成熟解了第一義故如是乃至聞彼他方說如是法親自往詣勤求修習心不散亂念念相續無有間斷佛子是故此名菩薩童真住佛子復云何名菩薩法王子住佛子此法王子住菩薩有十種法皆能了知何等為十謂能知一切衆生所生之趣能知一切衆生煩惱能知一切衆生應著能知一切衆生方所能知諸佛深妙法故能知諸佛方便真實性故能知世界種種差別法故能知過去未來現在三世諸佛智慧故能知一切世間廣大不堅牢法故能知

真性如如湛然寂靜故佛子是故此名菩薩法王子住佛子此法王子住菩薩復有十種法應勤修習何等為十謂善學一切王城種種作用故善一切王城禮樂故善一切王城安住故善入一切王城故善能自在徧遊歷一切王城故住法王灌頂故住法王觀察故得法王自在力故繼紹法王位故得住法王辯說故何以故謂修習一切無礙真實法故如是乃至聞彼他方說如是法親自往詣勤求修習心不散亂念念相續無有間斷佛子是名菩薩法王子住佛子復云何名菩薩灌頂住此菩薩得十種神通何等為十謂能令阿僧祇世界種種動搖故能照曜種種阿僧祇世界故能觀察種種阿僧祇世界故能於種種阿僧祇世界同時一心修習故能於阿僧祇世界成就種種善業故能於阿僧祇世界種種衆生差別心同時能知故能於阿僧祇世界一一衆生種種心行能一時行故能於阿僧祇世界一一衆生有種種根器同

時能解了故能教化阿僧祇世界種種衆生故能徧知阿僧祇一切衆生心所作用故復次善男子此灌頂住菩薩潛行密用施爲佛事無人能知所以者何謂身業不能知口業不能知意業不能知變現不能知觀察種種變化不能知觀過去所行之行不能知於剎那頃所行之行皆不能知觀智慧不能知心意不能知一切智不能用不能知佛子此灌頂住地菩薩乃至法王子位菩薩終不能知故佛子灌頂位菩薩復聞佛世尊十住何等為十謂聞三世智佛智法智法界分別智法界中邊智一切世界量等法界智照察一切世界智圓滿一切衆生智一切法智無邊佛智此菩薩住一切諸佛智故何以故謂聞如是一切實際理智故佛子是故此名菩薩灌頂住

大方廣持寶光明經卷第一
歸依佛五字依梵文譯爲五頌

不生亦不滅
衆聖所歸依

無相復無爲
是故名曩字

謨

大惣持應現
彌滿於世間

微妙最自在
是故名謨字

沒

隨意之所欲
安樂諸衆生

利他最第一
是故名沒字

馱

無上福田因
衆生實際地

能淨諸業障
是故名馱字

野

眞如智大智
諸聖究竟理

字中無所依
是故名野字

乙巳歲高麗國大藏都監奉

勅雕造

本願持寶光明經卷第二

第五張

大方廣總持寶光明經卷第二

寫

要略摩訶薩陀羅尼經等傳教部藏經卷第二

介時法慧菩薩摩訶薩爲諸菩薩說
是菩薩十住法已于時十方以佛神
力於二一方各有十千佛刹微塵等
世界一一佛刹微塵等世界地皆六
種震動所謂動徧動等徧動震徧震
等徧震擊徧擊等徧擊涌徧涌等徧
涌吼徧吼等徧吼起徧起等徧起是
時以佛神力復雨種種天華雲種種
天香雲種種天塗香雲種種天鬘雲
種種天鉢香雲種種天衣雲種種天
傘蓋雲種種天寶雲種種天妙蓮華
雲種種天諸瓔珞雲種種天莊嚴雲
如是等種種供養雲周匝徧雨復有
種種天妙音樂於虛空中不鼓自鳴
出大音聲光明晃曜徧四大洲妙高
鐵圍周徧十方普皆供養是時法慧
菩薩說是法時一切十方世界同時
亦說此十住法故乃至文字句義不
增不減皆悉同等復以佛威神力故
於一一十千佛刹微塵等世界各

有十千佛刹微塵等菩薩從於十方
雲集而來告法慧菩薩言佛子善哉
善哉佛子如汝所說菩薩十住法佛
子與我名同說法亦同如是等一切
同名法慧菩薩從彼十方一切如來
所而來至此彼法雲世界以佛威德
於一切處同時轉此法輪如是種種
性相文字句義不增不減佛子于時
衆會以佛威德皆見彼衆而來詣此
如我到此世界亦復如是於一切十
方世界一切四大洲妙高山頂帝釋
宮中十千佛刹微塵等菩薩亦同來
集是時法慧菩薩承佛威力觀察十
方法界衆會欲重宣此義而說偈言
見諸如來清淨智 巍巍變化力如是
十力功德衆莊嚴 是故發此菩提心
見此種種神通力 說法利益諸群生
復見輪迴諸苦惱 是故發此菩提心
於此普賢如來前 得聞一切功德海
由如虛空無有相 是故發此菩提心
一切住處及所生 一一性行皆明了
各各差別性智求 是故發此菩提心
是時過去及現在 乃至未來衆善惡

為求此智善修習
禪定解脫及三昧
為求此智恭敬彼
能徧世間諸根力
為求此智彼義學
菩提解脫徧世間
為求此智無數論
種種無數三界中
界之自性智應求
徧詣一切求此法
自性真實解了知
一切剎中而出生
無數智眼同此求
過去現在及未來
如是過去事皆知
積聚衆生滿世間
如是煩惱盡能知
三界智慧彼皆知
為求如是真實智
一切諸法無依倚
為求勝義真實知
能動佛刹微塵數
為求如來如是智

是故發此菩提心
等持清淨悉皆然
是故發此菩提心
如如湛淨皆同等
是故發此菩提心
其中各有種種意
是故發此菩提心
於中復有種種界
是故發此菩提心
如是依止得安樂
是故發此菩提心
由如衆生依地有
是故發此菩提心
若干衆生何性相
是故發此菩提心
乃至一一徧親近
是故發此菩提心
無盡法門能解了
是故發此菩提心
本性如空亦無著
是故發此菩提心
亦令江海涌沸騰
是故發此菩提心

大方廣持寶光明經卷第二

第二

大方廣持寶光明經卷第二

第二

大方廣持寶光明經卷第二

第二

八三

普放光明照十方
為求彼智一光明
不可思議種種刹
我願亦具如彼智
一切衆生及佛刹
為求此法壽延長
假使大海所有水
如是此智願當求
十方所有一切刹
如是此智要盡知
過去及與未來劫
如是劫數要盡知
三世一切諸如來
法之自性悉皆知
無量無數諸世界
性之自性悉能知
不可思議輪圍界
為此廣大微妙知
無量無數諸世間
為求此智清淨聲
一切世間諸語言
為此自性真實知
無數化導三界中
一切衆生悉皆衛

為求辯說廣大舌
如說一切諸佛刹
為求說法無礙智
如來所有一切刹
如此佛法真實知
無數微塵等世界
為求如是種種智
過去及與未來佛
一刹那中心盡知
一句所說不思議
為求如是語言知
八方一切諸世間
為此自性心了知
所有身口意三業
因此能解三世空
菩提心發應如是
十方無數劫盡行
乃至世間一切尊
如是彼佛皆說法
若一菩薩獲安樂
能作世間圓滿相
最上妙法最殊特
彼諸菩薩妙敷揚
是故發此菩提心
一刹那中悉能見
是故發此菩提心
一刹那中皆周徧
是故發此菩提心
皆從自性而出生
是故發此菩提心
乃至現在諸世間
是故發此菩提心
如是劫盡彼無盡
是故發此菩提心
如是相續不斷絕
是故發此菩提心
作彼十方一切行
是故發此菩提心
懇懇最上奉諸佛
是故尊重心不退
八方各各皆周徧
二尊重心不退
行彼行故免輪迴
是故此尊心不退
甚深難解離言說
為敬彼尊心不退

世間不動及住處 如是難得甚希有
演說清淨妙法音 是故此尊心不退
得生一切如來中 無我無人離憍慢
爲求此法常在前 是故懇懃心不退
無數無等阿僧祇 得諸如來三摩地
行彼菩薩如是行 是故懇懃心不退
乃至究竟三摩地 超生彼岸解了知
如是說彼諸佛法 是故此尊心不退
遠離輪迴三界中 轉於如是妙法輪
於諸世間常無間 菩薩應當如是說
一切世間諸苦惱 如是濁惡災難中
憐愍一切諸有情 是故菩薩應當說
菩薩最初說此法 目茲發起菩提心
持戒說法無有時 是故名爲發心住
是時菩薩治地住 最初降伏如是心
安樂利益於世間 如佛遠離老病死
信心念心及精進 慧心願心并持戒
護法捨離無去來 決定迴向諸含識
若以任彼如是心 讀誦受持大乘典
遠離喧囂居閑靜 訪尋一切親善友
善言親近善知識 勤求如是真實智
了達一切諸語言 勝義諦理亦如是
曉了如來勝義已 離諸顛倒無疑惑

如是平等湛然安 如是名說法真佛子
治地住中如是得 善能觀察諸菩薩
演說妙法奉諸佛 是故佛子應當學
復次菩薩第三住 法王教中求佛行
苦空無常悉了知 一切自性無來去
諸法本寂離自性 明了通達決定心
住此一切無有感 佛子應當如是說
爲知一切衆生界 及闡一切諸法界
如是世界悉盡知 是故名爲相應行
地界水界及火界 如是風界虛空界
欲界色界無色界 是諸世界悉盡知
乃至差別諸世界 悉見法界自性體
如是廣大智慧尊 勇猛精進求佛智
是時菩薩生貴住 出家生諸如來中
有性無性心決定 所生之處常正見
此地菩薩無退轉 爲求佛道心無厭
於一切法恒修習 觀諸衆生如自性
世間衆罪如塵刹 遠離輪迴諸果報
佛子善能分別生 菩薩悉令離衰老
過去現在及未來 一切法智皆明了
宿殖善友悉同生 如佛出世亦復尔
一切如來殊妙好 入彼三世平等意
能作如是上妙生 超越三世種種行

此名第四菩薩住 彼能稱讚此妙色
是法悉能解了知 覺彼菩薩如是生
此後菩薩稱第五 說名方便具足住
種種方便化群生 樂求福業徧往詣
所作如是廣大福 令諸衆生皆解脫
盡心迴向悉獲安 憐愍有情令離繫
世間患難皆救濟 攝伏令彼生歡喜
各各引導諸衆生 得大涅槃心寂靜
無邊一切諸世間 如是無量無有數
過諸稱量無等倫 非性非相非究竟
此爲菩薩第五住 具足方便化群生
彼佛如是妙圓明 示現一切諸功德
無邊一切諸衆生 觀法自性無迷惑
疑網有無智了知 天上人間能堅固
於佛於法菩薩中 常行妙行離諸色
於是廣大諸衆生 聽聞演說方便法
煩惱衆生使清淨 易化難化悉調伏
法界或廣略敷揚 非來非去絕諸相
法界體性非有無 菩薩三世樂聽受
觀察一切心無動 如是專注於佛法
泯絕性相孰有無 本性離染我亦尔
曉了劫性如幻夢 爲聞如是上妙法
不退菩薩應如是 於佛於法菩薩中

并觀行相為有無 不退非有亦非無
如來非去非有住 亦無來與非不來
生與不生盡不盡 有相無相非一異
種種衆多彼如一 勝義諦理離有無
各各差別衆實嚴 菩薩於彼心不退
真如妙相非有無 以無相智能解了
如是差別往集會 一一天上悉聽聞
復次菩薩童子住 身口意業悉清淨
施作佛事無有著 是故隨意所生得
皆從衆生行法生 遊行見彼諸刹土
智慧速疾隨意得 十方懇懃供敬禮
菩薩於此無異心 聞佛演暢微妙法
能知刹土悉動搖 如是盡知無有餘
演說遊行於佛刹 剎那徧詣阿僧祇
隨問演說無數義 自性差別性亦然
方便音聲能照察 無數佛刹一念中
復說菩薩王子住 密行衆生非測量
煩惱障開妄想除 事理相應方便說
種種妙行悉能行 分別世間過未來
真俗二諦能了知 諦求如是微妙法
善能方便入王城 如是徧遊悉周匝
於彼往還能自在 所有王城能照察
由如灌頂王妙法 如是威德力亦然

大方廣持寶光明經卷第二

第九法

大方廣持寶光明經卷第二

入彼王城善演說 是故此為王子住
此能隨順諸衆生 如佛所化亦如是
調御出興悉同然 得佛安隱住王子
佛子菩薩灌頂住 處長最上能利他
一毛滴水為校量 思惟按計莫能測
如是行於諸佛法 由若一切微塵刹
衆生莫測塵可知 是故無數應是說
一切如來及菩薩 并與過去未來佛
若以現在十方中 乃至聲聞辟支佛
從種發生菩提心 如是此數莫能測
功德數量莫能知 最初一念菩提心
如是世界化群生 無能超越過於彼
是時普賢菩薩摩訶薩告法慧菩薩
言善男子善哉善哉汝今善說此寶光
惣持法門復次善男子彼諸衆生當
得愛樂不可思議諸佛功德一切智
慧善男子若有衆生但聞此寶光惣
持正法名号不須受持讀誦一心恭
敬究竟決定得證佛果時法慧菩薩
言佛子如是如是如汝所說普賢菩
薩言佛子彼等已得如來灌頂甚深
智慧若有善男子善女人至此會中
得聞如是法者或有衆生手持是經

大方廣持寶光明經卷第二

第十法

者是諸衆生於佛法中皆得授記
是時長老舍利弗從座而起頂禮佛
足而白佛言世尊我等今者如生盲
人從昔已來未曾見聞如是正法世
尊非但我故若諸衆生不聞此法彼
如是等一切衆生亦如生盲佛言長
老如是如是如汝所說舍利弗即白
佛言唯願說此不可思議甚深法故
佛言舍利弗汝當往詣命彼梵王帝
釋護世諸天同來此會如來勅語舍
利弗此最勝法印寶光惣持之法於
彼道場衆會而說是時尊者舍利弗
受佛教勅為問此寶光惣持法門承
佛聖旨往彼梵王帝釋護世諸天到
已作如是言寶光道場佛待汝來同
時聽受此如是法今正是時如來將
說此寶光惣持不可思議法故汝等
速集勿過此時甚難得值後必追悔
如是最勝法寶世間難得甚為希有
時彼諸天聞是說已即運神通於剎
那須梵王帝釋護世諸天皆來集會
到世尊所右遶三匝合掌供敬住立
佛前勸請世尊唯願如來哀愍我等

及末法衆生說此寶光惣持法門于時世尊默然不答時諸天衆梵王帝釋護世諸天如是三白惡勸勸請世尊默然是時尊者舍利弗白世尊言唯願如來說此寶光明惣持法故復言善逝唯願說之是時世尊即於舌根從口而出種種音聲徧於三千大千世界同時得聞若有善男子爲此寶光惣持法故請於如來是諸衆生皆得不退轉於阿耨多羅三藐三菩提

是時世尊復語尊者舍利弗言尊者舍利弗汝當往詣請妙吉祥童子說如是法時妙吉祥童子在於異處鉢擲二合又娑羅樹下端身正念結跏趺坐過於百千萬俱胝那由多日月光明住大寶莊嚴樓閣中梵王帝釋護世諸天圍遶恭敬身皆金色吉祥莊嚴光明照耀是時尊者舍利弗奉佛教命往詣妙吉祥童子所到已即白妙吉祥言善男子如來請汝爲於我等說此寶光惣持法故于時妙吉祥童子語尊者舍利弗言此如來者

爲何等義舍利弗言善男子汝智慧深遠我非汝曹是故不任與汝論議妙吉祥言止舍利弗汝甚愚癡汝若樂聞我當爲說舍利弗言善男子我今樂聞惟願仁者廣爲我說是時妙吉祥童子說是語時即時三千大千世界乃至清淨天宮及諸天衆上至阿迦膩吒天衆下至四大天王并諸眷屬無數俱胝大藥叉將諸梵天王及天帝釋護世諸天并諸天女各各樂聞如是大法皆來集會及諸比丘比丘尼優婆塞優婆夷并餘三十三天夜摩天覩史陀天化樂天他化自在天大梵天王阿迦膩吒天如是諸天衆等皆來集會復有諸大聲聞衆其名曰尊者須菩提尊者摩訶迦葉尊者大目犍連尊者舍利弗尊者摩訶迦旃延尊者阿賴嚕駄尊者識耶迦葉尊者摩賀俱絺羅尊者祖擎判姪迦尊者梨縛多尊者曩祢迦葉尊者烏嚕尾螺迦葉尊者布囉拏梅恒囉二合尼子尊者羅護羅尊者鉞捺囉二合波羅尊者麼迦波二合尊者阿

難陀如是等諸大聲聞衆及耶輸陀羅五百比丘尼等皆悉來集復有轉輪王及諸小王刹帝利婆羅門長者居士皆來集會

是時尊者舍利弗遠佛三匝而作是言世尊何因何緣即於今日如是大衆皆悉雲集云何當知佛言尊者舍利弗是寶光惣持法威德力故舍利弗言世尊此寶光惣持法門我今樂聞佛言尊者舍利弗汝當往詣請彼妙吉祥童子普賢菩薩此二大士必爲汝說是時尊者舍利弗白妙吉祥童子言善男子汝今當說此寶光三摩地微妙法寶妙吉祥言尊者舍利弗汝等今者爲欲聞此寶光惣持法故舍利弗言今此四衆梵王帝釋護世諸天爲聽是法故來至此于時妙吉祥即告長老舍利弗作如是言舍利弗此法秘要不可視聽如幻如化云何當說說聽是誰舍利弗言善男子汝今當說我欲樂聞妙吉祥問尊者舍利弗此說當云何言答言妙吉祥空作是說妙吉祥又問舍利弗空

云何說答言妙吉祥空離言說妙吉祥言尊者舍利弗此空若離言說我云何說尊者舍利弗既一切諸法皆離言說若作是說誰能聽受長老舍利弗言善男子彼一切法皆離文字語言故作如是說是故說空無相無願非取非捨非異非不異非離離論非不離離論是時妙吉祥童子尊者舍利弗說是法時彼諸菩薩及於梵王帝釋護世諸天心大歡喜同聲讚言善哉善男子善說此寶光惣持法故

是時尊者須菩提白妙吉祥童子言善男子菩薩摩訶薩云何受持讀誦為他解說此寶光惣持法故妙吉祥言須菩提此惣持法無生清淨如理受持離性離相非離言說非取非捨此法應如是受持為他解說妙吉祥童子說是法時有九十二菩薩皆得勇猛三摩地復有人天六十二衆生得無生法忍

尔時普賢菩薩摩訶薩從座而起偏袒右肩合掌恭敬白佛言世尊云何

大方廣持寶光明經卷第二 第二 衆 衆

為菩薩摩訶薩大悲佛言善男子此菩薩摩訶薩大悲者若菩薩摩訶薩不捨三界名為大悲若令一切衆生得見諸佛淨妙刹土名為大悲若諸破戒衆生悉能憐愍護持名為大悲若能令一切衆生志求般若波羅蜜多親近修習名為大悲若為一切衆生不惜身命名為大悲乃至頭目腦難捨能捨難行能行為諸衆生名為大悲復告善男子菩薩摩訶薩為諸衆生無有異心等以安樂離諸邪見悉令解脫善男子是為菩薩摩訶薩大悲應如是解

尔時普賢菩薩摩訶薩白佛言世尊唯願如來大慈無量為諸衆生安樂世間說此寶光惣持法故并此大會諸天及人皆得安樂利益即時世尊愍諸衆生以梵音聲普告諸菩薩摩訶薩言汝等今者於未來世後五百歲法欲滅時誰能受持廣宣流布此寶光惣持法故是時普賢菩薩離一切憂暗菩薩藥王菩薩辯積菩薩出生一切法王菩薩無盡意菩薩海意

大方廣持寶光明經卷第二 第二 衆 衆

菩薩寶師子菩薩寶賢菩薩寶光菩薩寶鬘菩薩觀自在菩薩等觀菩薩常觀菩薩寶手菩薩寶積菩薩寶莊嚴菩薩吉祥幢菩薩法吉祥菩薩財吉祥菩薩福德吉祥菩薩栴檀吉祥菩薩法慧菩薩甘露慧菩薩不思議菩薩福德莊嚴菩薩功德莊嚴菩薩相嚴菩薩常歡喜根菩薩衆智山峯王菩薩辯說菩薩常舉手菩薩持地菩薩辯意菩薩虛空藏菩薩月藏菩薩清淨月藏菩薩日藏菩薩出生王菩薩摩訶薩彌盧菩薩堅牢慧菩薩彌勒菩薩摩訶薩如是等六十二百千俱那那更多菩薩摩訶薩以一音聲同時告言世尊我等今者能於未來世後五百歲法欲滅時常當受持廣宣流布為諸衆生說此寶光惣持法門佛言善哉善哉善男子希有希有善男子汝等為諸衆生能發如是清淨大願尔時世尊告普賢菩薩摩訶薩言諦聽諦聽善男子此寶光惣持微妙正法為欲利益安樂一切衆生尔時世尊說是語已即昇大寶莊嚴

大方廣持寶光明經卷第二 第二 衆 衆

師子之座結跏趺坐即說寶光明惣持陀羅尼曰

曩莫入三滿多跋捺囉二合野冒

地薩恒縛二合野摩賀二合薩恒縛二合

野摩賀二合迦二合嚩二合泥二合迦二合野恒

你也二合他二合唵二合婆囉二合脛二合婆囉

脛二合婆囉二合婆冷二合帝薩二合囉二合賀二合

是時世尊如是三說此寶光惣持秘密微妙最上甚深廣大法寶是時普賢菩薩摩訶薩白佛言世尊法與法

者是義云何佛言善男子無注即法即一切義即無性義一切法義即等

虛空義一切法即無數義無數義即一切義無數義即一切法義普賢菩

薩白佛言世尊云何說此一切法佛言善男子吾說此一切法者謂眼耳

鼻舌身意如是此六識及十二緣行善男子是故我今作此說故一切諸

大方廣總持寶光明經卷第三第八分

法亦復如是復次善男子一切諸法本無生滅是時妙吉祥童子白普賢菩薩摩訶薩作如是言佛子此寶光惣持法門菩薩云何受持普賢菩薩摩訶薩告妙吉祥如是說言善男子此寶光惣持如法而說如理受持何故本性不生不滅故非相非空故無性即自性故自性即無性故善男子此寶光惣持如是不應執著受持觀察故智慧決了應如是住分別解說善男子此寶光惣持觀法自性義故

大方廣總持寶光明經卷第二

乙巳歲高麗國大藏都監奉

勅雕造

大方廣總持寶光明經卷第二 第八分

大方廣總持寶光明經卷第三

是時尊者舍利弗白妙吉祥童子言

善男子如此妙法住世幾何妙吉祥言舍利弗如此三毒貪瞋癡故舍利弗言善男子此貪瞋癡住當幾何妙

吉祥言舍利弗此三毒住由如地界故舍利弗言善男子此地界復住幾何妙吉祥言舍利弗此三毒地界如

無明界故舍利弗言善男子此無明三毒住當幾何妙吉祥言舍利弗如

虛空界故舍利弗言善男子此三毒虛空界住當幾何妙吉祥言舍利弗

如無性自性法故是時尊者舍利弗白妙吉祥作如是言善男子汝等智

辯若此云何我有如是智力與汝對復次善男子譬如一切狐狸踐須

彌山終不能盡如是如是善男子我等亦復如是如彼狐狸何以故如一

切聲聞與一菩薩共同論議畢竟不能屈彼菩薩況復此妙吉祥童子故

是時普賢菩薩摩訶薩告妙吉祥童

是時普賢菩薩摩訶薩告妙吉祥童

子言善男子汝於今者請問如來白
言世尊於當來世後五百歲彼實光
惣持法王云何護持持經法師云何
憐愍令得堅固于時妙吉祥童子從
自法座安詳而起即白佛言世尊若
有法師受持讀誦為他解說此正法
者得何功德佛言妙吉祥若有比丘
持此法王者當得生於清淨法身故
當得究竟佛菩提故如是中間常得
住於諸佛法中心不退轉一切天魔
及諸眷屬不能燒惱若有善男子於
彼法師暫起慈心一彈指頃是人即
得遠離輪迴究竟亦得佛菩提故復
次妙吉祥持此寶光法王者若起輕
慢誣謗之心是人世世得牙齒疎缺
平鼻無舌手脚攣臂身常重病癡騃
盲聾生於下賤懈怠懶惰佛告妙吉
祥如是愚迷眾生我今略說善男子
彼諸眾生命終之後受無數地獄如
一一孔毛種種苦惱從地獄出若生
人中常得生盲瘡癰復次妙吉祥若
有見此正法眾經之王輕毀之者是
人當得身穿為竅醜屑褻縮身皆破

裂髀形黑瘦皮膚嚴澁由如餓鬼妙
吉祥重白佛言我知如來智慧無量
不可思議世尊彼如是等愚迷眾生
得生何處妙吉祥言唯願說之唯願
說之佛言妙吉祥止汝不應問我若
說彼愚迷眾生謗法之者所生之處
天上人間若聞是說皆悉恐怖皆悉
悶絕宛轉躑躅地妙吉祥言唯願世尊
大慈大悲廣演分別彼諸眾生若聞
是說於此不生不滅微妙正法不起
慢心佛告妙吉祥於此地下有諸地
獄名号不同所謂炎熱地獄極炎熱
地獄黑繩地獄熾然地獄極熾然地
獄極惡地獄鉗口地獄鐵丸地獄鐵
棒地獄崩埋地獄懸頭地獄倒懸地
獄猴面地獄焰恒熾地獄膿血地獄
常臭地獄拖撲地獄常熱地獄生極
大疼痛地獄佛告妙吉祥彼如是等
地獄即彼謗法眾生所生之處
是時普賢菩薩摩訶薩白佛言世尊
彼持經法師命終之後生何國土復
次普賢菩薩若有善男子善女人及
諸法師持此經者於此命終即得往

生寶莊嚴世界世尊彼世界中有佛
刹不可思議樂大辯說如來復有無
數諸菩薩眾身色巍巍殊特妙好善
男子是諸眾生臨命終時彼世界中
有六十二俱胝佛同時現前善男子
我今略說若廣說者功德無量無數
經百千劫不能窮盡普賢菩薩重白
佛言世尊云何於未來世時若諸眾
生聞此正法不生誹謗佛告普賢菩
薩若四輩弟子得聞是經言非正法
作如是說是邪說非如來說應自說
故非真經典或言我先已聞此非正
法作是輕慢誹謗之者永不聞法遠
離三寶名字彼如是等愚癡眾生命
終之後當墮黑闇地獄其獄之中有
大鐵輪刃如鋒鋸常拂其頭拂已還
生如是經無量百千劫從此獄出設
得人身復經無量百千萬劫常無兩
目是時復經過百千劫不復人身縱
生人中於一切處亦復生盲又無舌
根頭面顛倒脊脊偻僂脚癭猶聲常
困飢渴羸瘦顛顛面色乾枯口氣常
臭人皆惡賤一切眾生見者生瞋人

皆棄捨是時彼一切衆會異口同音作是唱言如來今者爲我等故已說是法如是正法我等已聞快說世尊快說善逝我等於未來世見有受持是經典者不生誹謗輕慢之心我等愚迷由如稚子不覺不知無有智慧世尊佛說是時彼大聲聞及天帝釋大梵天王護世諸天比丘比丘尼優婆塞優婆夷各作是言世尊我等聞說謗此法者有如是罪身皆悚慄恐怖無量佛言如是如是如汝所說非但汝等吾今已得一切聖智上由恐怖況復汝等我諸弟子時諸善男子於彼法師深生敬仰不能自勝若諸天龍藥叉乾達縛等人及非人無能破壞善男子若沙門婆羅門見此法王如佛塔廟此經亦亦天上人間如敬寶篋是時妙吉祥童子重白佛言世尊若諸四輩弟子於此經王深信受持者得幾所福佛告妙吉祥若人於此妙法及彼法師受持之者乃至名字或於一日一彈指頃發起慈心我悉知之或時發心飲食供給或施

園林淨地用作僧房種種供養是時尊者舍利弗白世尊言如是等人於五無間罪爲滅爲不滅佛告長老舍利弗止勿作是說所以者何若諸衆生受持正法者即得消除五無間業佛言舍利弗五無間者爲聞此經威德力故此五無間業速疾消除還復人身數數得生佛法之中永不復墮於三惡趣故是時尊者舍利弗悲泣雨淚白佛言世尊如向所說謗此經者乃有如是廣大業報昔所未見如是罪報乃至夢中亦未曾見是時世尊告長老舍利弗言止舍利弗勿作是念復次舍利弗我說此無礙妙法數告汝等舍利弗彼諸衆生以自業力作種種罪自作自受非彼他人各各衆生自業力故受是痛苦非如來過舍利弗我常說言是諸衆生汝等訪諸善友樂求安樂離諸怖畏樂求涅槃樂甘露味我常開示菩提正路是時復說彼諸衆生恣縱貪瞋自作身業口業意業心生邪見不自正知造作衆罪各各邪現於身分別造衆

惡業因墮地獄受種種苦衆生自過非如來各復次舍利弗我常如是興於大悲爲諸衆生乃至一一衆生盡於一劫我皆代受地獄之苦終不棄捨一衆生故舍利弗如來大悲恒常如是譬如天上人間父母唯生一子端嚴殊特色妙無比福相圓滿彼於一日忽然命終時彼父母爲此子故心生懊惱情地悼惶悲號痛切苦惱如是舍利弗如來應正等覺亦復如是悲愍衆生如見一子如來煩惱終不能著悉已遠離何以故舍利弗譬如大海不宿死屍舍利弗如來亦亦煩惱不著又謂舍利弗身如幻夢亦如影嚮四大合成假名爲人中無有實見諸行相非行非住非處非無處無滯無礙自他不著舍利弗如來亦復如是觀諸行相化導群生不貪說行雖作一切種種行相不可指不可示等虛空界離諸疑惑無有戲論如來亦亦無有疑惑離於戲論是時衆生一向迷惑無有迴轉如來大悲而能隨順如有衆生欲來佛亦隨來去亦

隨去何以故是諸如來本願力故復次舍利弗如來應正等覺無有錯謬如來無有無明如來智慧亦無迷惑舍利弗吾今於天上人間最尊最貴最上第一不可稱量無有等等舍利弗是不誑語者不異語者佛言若有衆生在家出家於此正法而生誹謗者如前所說一切惡相種種地獄衆苦所受是時尊者須菩提合掌恭敬白佛言世尊此法微妙甚難得聞世尊彼諸衆生於此正法而生誹謗者當得何報佛告須菩提謗斯法者得生大舌縱廣百千由旬上有五百俱胝鐵犁長時耕舌復從口出極熱猛火聳焰上騰炎熾輝赫合成一聚經百千劫受大極苦云何而得須菩提如是業報彼愚癡衆生皆因口業所作須菩提彼愚癡衆生謗此法者受如是報是時一切衆會以佛威力同作是言如來說此極大惡報甚爲希有是時帝釋天主白佛言世尊我當於彼比丘持經法師於未來世常生尊重以諸花香飲食衣藥塗香末香

大方廣持寶光明經卷第三 第三

大方廣持寶光明經卷第三

種種供養晝夜三時恭敬禮拜尊重讚歎志心護持世尊是善男子已生如來法身中與諸如來同一名号何以故如灌頂剎帝利王所生之子端嚴巍巍具足王相見者歡喜彼諸人民皆悉尊重拜跪問訊見彼法師亦應如是禮拜尊重今時世尊告普賢菩薩摩訶薩言善男子此帝釋天主善能說之爲彼比丘持經法師憐愍饒益潛加護持普賢菩薩言世尊我亦是於未來世彼善男子善女人亦復護持憐愍饒益息諸灾患令得安樂周徧百由旬外不令燒惱今時世尊讚普賢菩薩摩訶薩言善哉善哉善男子汝今善說今時世尊以梵音聲重說偈言

令他安樂心悲愍 悉能隨順諸衆生

三業清淨善稱揚 無等功德具實寶

是時普賢菩薩摩訶薩白佛言世尊

菩薩摩訶薩云何當得此寶光惣持

法故佛言善男子菩薩摩訶薩於寶

光惣持當行一法云何爲一法謂於

一切衆生不起煞意令得安樂普賢

大方廣持寶光明經卷第三 第三

第三

菩薩復有二法云何爲二謂離於瞋恚善言誘喻普賢菩薩此爲二法若能如是即得寶光惣持法故復次普賢菩薩摩訶薩爲一切衆生意根不亂無時暫捨是時復告善男子菩薩摩訶薩爲諸衆生皆離一切憎愛故是時菩薩說此寶光惣持功德時復以稱揚讚歎此最勝功德于時天上人間有無量無數衆生皆得此法復出寶光惣持最勝功德稱讚法師今時尊者阿難從座而起偏袒右肩右膝著地合掌恭敬住立佛前白佛言世尊此寶光惣持微妙正法如是深邃佛告阿難如是如是此色相甚深受想行識甚深如空甚深如虛空甚深阿難白言我於如來前得聞八萬四千法藏未曾得聞如是妙法佛告阿難此寶光正法難遇難聞阿難言佛說如是微妙正法於未來世後五百歲中法欲滅時有諸衆生欲作佛事當依何法佛告阿難依我釋迦牟尼如來說此正法及彼法師若有書寫受持供養恭敬此正法者眼常

大方廣持寶光明經卷第三 第三

無病鼻亦無病舌亦無病齒亦無病
手亦無病脚亦無病頭亦無病耳亦
無病諸根具足身不羸穢亦無中夭
壽命延長彼一切諸天人及非人常
時衛護時彼法師於此命終復得生
於善逝世界天中而生離諸喧雜一
切戲論阿難白言世尊是何因緣說
此正法魔王毒害不能障蔽佛告阿
難一切魔王於此正法終不能作障
難之者今時世尊作是語已時彼魔
王生毒害心作是念言若有說此寶
光惣持法時我當往彼作其障難是
時魔王以自業力自見猛火來燒其
身恐怖無量退散而走阿難此法如
是深妙難測不可思議若此正法隨
所住處如佛塔廟阿難白言若如來
在彼正法住處我於是處得見如來
往到佛所先礼如來後礼此法為有
何過佛告阿難汝有過失何以故汝
既如是輕慢正法云何我得天上人
間最尊最貴最上第一復次阿難我
於過去先聞此法後證菩提阿難白
言世尊於何如來恭敬供養復於何

處聞彼如來說此寶光三摩地法佛
告阿難我非於天上人間軋達轉處
恭敬供養求此法故我於往昔為菩
薩時有佛世尊号不空積聚開妙衆
寶光明藏如來前得聞此法佛告阿
難彼如來即不與我授記我從是來
過百千俱那那度多劫難行苦行為
聞此法阿難是故汝應先礼此法後
礼如來是時一切梵王帝釋護世諸
天以一音聲同作是言歎此法故是
無上法是最勝法是最等法神變
如是若有聞此微妙正法乃至名字
應隨向礼何以故若有受持讀誦為
他解說者如見如來等無有異今時
世尊讚彼梵王帝釋護世諸天言善
哉善哉聖衆善說今時世尊從口而
出廣長舌相徧照三千大千世界已
告普賢菩薩摩訶薩言善男子汝今
諦聽我今請汝為諸衆生說此法故
云何衆生於此寶聚不自守護展轉
息利如生盲人不見日光又如賣賈
無有方便不自貨易亦如貧人不自
精勤常奉他願見諸衆生不聞此法

亦復如是為諸衆生譬喻言說於是
普賢菩薩摩訶薩從座而起徧徧祖右
肩右膝著地合掌恭敬住立佛前即
時普賢菩薩摩訶薩從自法座安詳
起已即時三千大千世界諸天宮殿
六種震動所謂動徧動等徧動震徧
震等徧震擊徧擊等徧擊吼徧吼等
徧吼涌徧涌等徧涌起徧起等徧起
大光晃耀一切世間於是普賢菩薩
摩訶薩白言世尊云何問我世尊云
何問我善逝世尊是具足一切智者
何不為諸衆生大悲憐愍我名如來
之子云何我有如來智云何我有如
來力我於是時常依佛言依如來言
我常依止由如甘露不敢違背恒時
隨順於時世尊讚普賢菩薩摩訶薩
言善哉善哉佛子汝即如來長子最
勝最上我為衆生說此正法善男子
汝當依我如法護持恒常尊敬由如
寶篋威以珍玩勿生捨離未來世時
有破戒比丘不生敬信善男子彼不
依此普賢菩薩言世尊於意云何彼
出家者有何行故佛言善男子止勿

應問此音賢善薩言世尊唯願說之
唯願說之若不說者云何而能為諸
衆生佛言普賢善薩汝今諦聽我說
此法由如衆海文殊師利觀世音無
量無數無有邊際菩薩摩訶薩等一
心諦聽於未來世彼出家者修何行
業今時世尊告普賢善薩摩訶薩言
佛子彼出家者於此正法多生輕慢
樂求舍宅貪著利養畜積財寶精舍
房堂衣服卧具飲食醫藥造惡業因
自破自壞為是愚迷衆生我說是經
廣令流布久住不滅度脫衆生是時
十方一切天龍藥叉乾達婆等來白
佛言世尊我等天人八部并諸眷屬
盡生恒時守護是經并彼法師一切
比丘及諸法藏不令燒惱我常隨侍
尊重恭敬香花衣服種種珍寶一切
所須我皆供給令法久住今時世尊
為普賢等九十二俱脛菩薩而說偈

言

諦聽一切妙語言 最聖功德超彼岸
欺誑兇險皆棄捨 一心專意樂諦聽
聞佛摩竭提國中 菩提大樹仁師子

住大解脫三摩地 當處如是大樹王
盡彼十方微塵刹 佛子周遊無所畏
此名如來三昧族 是諸三昧彼當得
恒時知彼仁王行 得見文殊真境界
盡彼十方微塵刹 汝觀如來真色相
十方無數此佛刹 佛子悉皆名吉祥
一切十方微塵刹 佛子善能徧遊歷
為彼世間得值遇 文殊師利無邊智
問大衆生賢吉祥 佛子功德云何得
是時實際廣功德 無邊衆生能解了
問大衆生賢吉祥 文殊功德妙菩提
佛子若說此法已 得解清淨佛功德
復次佛子應云何 當得如是功德行
佛子諦聽賢吉祥 無邊最勝彼功德
我今略說於少分 如添大海一滴水
乃至得證佛菩提 若有衆生初發心
無邊功德莫能測 一一功德盡讚揚
波羅蜜多功德地 如有經行於多劫
不能說盡彼功德 如是十方一切佛
彼於是時說少分 出生無邊勝功德
如鳥飛空不可量 大地一塵無能比
非無回故從何生 菩提功德隨心意
發信一念生佛法 如是和合生心已

彼非愛樂王福樂 非自長安非名利
除滅世間諸苦惱 為衆心故生世間
彼意恒為諸衆生 清淨佛刹興供養
修習此法證菩提 從心發生清淨智
彼常恭敬求解脫 尊重一切生佛想
一切諸法功德同 生心如是恒恭敬
發心歸向於佛法 佛子興心行此行
無邊菩提發是時 生大丈夫猛利意
發心力如人中主 廣興供養不思議
衆法無壞莫能量 生心供養應如是
發心能免胞胎苦 養育勗勞一切行
隨樂快樂悉從心 是故見於安樂處
發起無邊恭敬心 我人憍慢皆棄捨
發心即妙珍伏藏 如手攝持獲安樂
發心能為歡喜捨 發心踴躍作佛事
發心求勝功德林 得佛所說皆往詣
勇猛利根光明照 發心堅固無能壞
種種煩惱煩惱除 發心能說佛功德
發心和合不和合 一剎那中悉皆離
發心能越魔王界 見彼最勝妙解脫
功德種子不朽因 發心種大菩提樹
最上勝智皆增長 發心見諸一切佛
彼說過去行大行 解脫妙行發心求

此法世間甚難遇

由如大海眾寶王

若常發心恭敬佛

無戒無行彼皆離

離諸過患眾德尤

復能稱讚彼功德

持戒見獲菩提心

方便修學功德地

能依戒法善修習

彼常依佛所教勅

若常發心恭敬佛

彼佛廣大興供養

於佛廣大供養已

復能懇重不思議

若常發心供養法

聞彼佛法心無厭

若於佛法心無厭

不思議法妙解脫

若常發心恭敬僧

彼於僧中心不退

如是發心僧不退

當得發心不退力

若得發心不退力

彼以根利現光明

若得根利現光明

彼常遠離惡知識

若已遠離惡知識

應當求法訪善友

若法善友尋求已

彼獲廣大妙安樂

若獲廣大妙安樂

回力自大皆棄捨

若已棄捨我慢回

即得廣大勝解脫

如是廣大解脫已

即得諸佛常照察

若以諸佛常照察

彼即生大菩提心

若得生大菩提心

即獲解脫大功德

若得解脫大功德

即得生於如來家

既得生於如來家

即得解脫妙相應

若常解脫妙相應

彼發心意皆清淨

大方廣持寶光明經卷第三 第十七 葉

大方廣持寶光明經卷第三

乙巳歲高麗國大藏都監奉

勅雕造

大方廣持寶光明經卷第三 第十七 葉

大方廣持寶光明經卷第四

臺

要略廣傳經國經傳經卷第四 第十七 葉

若得發心淨覺意

彼說最上最殊勝

若得最上殊勝已

常行波羅蜜多行

若行波羅蜜多行

則能隨順此大乘

若能隨順此大乘

則能隨順供養佛

若得隨順供養佛

則得智慧志堅固

若能智慧志堅固

常見彼佛不思議

若常見佛不思議

見佛無去無有住

若得見佛無去住

此法住世恒不滅

若見此法恒不滅

遠離積集諸煩惱

若得遠離煩惱因

則能說法無邊際

若得說法無邊際

彼為興慈住世間

若為慈心住世間

則是大悲堅牢本

若得大悲堅牢本

即是為他法喜樂

若得喜樂法根本

彼捨造作種種罪

若捨造作眾罪已

無我無人離眾非

若得無我離眾非

彼常自利及利他

若常自利及利他

永免輪迴諸苦惱

若離輪迴諸苦惱

彼得大力最為勝

若得大力最殊勝

則得出生清淨智

若生清淨智慧已

彼入世間修持行綱

若能入此修行網 成熟世間甚希有
若得成熟於世間 積集世間妙智慧
若能隨順於四攝 則能隨順於四攝
若於世間廣施設 則住方便智慧力
若得方便智慧力 則住勇猛無上道
若任勇猛無上道 永不見彼魔軍衆
若得不見魔軍衆 則能遠離四魔道
若得遠離四魔道 則能到於不退地
若得到於不退地 即得名爲無生忍
若得如是無生忍 得佛授記号世燈
若得授記号世燈 則住一切如來前
若得住於如來前 得佛秘密變化智
若得如來變化智 一切如來皆授記
若得諸佛授記已 一切功德衆莊嚴
若得功德衆莊嚴 得妙福德清淨身
若得如是清淨身 由若金山光照耀
若得如是金山光 即得具相三十二
若得具相三十二 即得相好莊嚴身
若得相好莊嚴身 身放光明普皆照
若得光明普照已 不思議光衆嚴飾
若得如是衆嚴飾 光明足步蓮花生
若得光明蓮花生 得佛境界蓮花座

大方廣持寶光明經卷第四 第三張

大方廣持寶光明經卷第四

若得如來花座已 則能照見十方界
若得照見十方界 教化衆生不空行
若得教化不空行 即得智辯無邊際
若得智辯無邊際 說此不可思議法
若得說法不思議 令彼無量衆忻慶
若得無量衆忻慶 積行不可思議刹
若得如是廣大行 各各智力盡能知
若得如是智慧力 世間隨類化群生
若得隨化群生已 宿命住智彼皆得
若得如是宿命智 三業清淨恒無間
若得三業恒無間 以自願力隨念至
若得願力隨念至 隨諸衆生現衆類
若得隨現衆生類 得不思議妙音聲
若得如是妙音聲 能出種種衆語言
若得如是妙言辭 則能周徧諸世界
如是周徧諸世界 一刹那中盡能知
若得如是了衆心 不生不滅無退轉
若離生滅無退轉 一切障惱不復生
若得障惱不復生 法身功德智慧圓
若得法身智慧圓 法行光明照世間
若得法光照世間 則得十地十種身
若得十地十種身 則得般若解脫道
若得般若解脫道 灌頂莊嚴爲最上

大方廣持寶光明經卷第四 第三張

若得如是灌頂已 三摩地道悉皆成
如是三摩地得已 各見十方一切佛
若見如是諸佛已 如是諸佛念灌頂
作是思惟是事已 十方諸佛同灌頂
諸佛同時灌頂已 各伸右手摩其頂
既得諸佛摩頂已 則能變現等虛空
如是變現等虛空 隨所住處能堅固
若得隨所能堅固 天上人間莫能測
既以人天無能測 如是所作難稱量
過諸稱量難語言 是爲一切不空力
以是一切不空力 聞名見身獲大辯
既以大辯力如是 能作世間大施主
復名不空大丈夫 以任本性丈夫故
不捨大慈演妙法 於諸惡道化群生
演說寶光最上乘 由如金剛寶雲聚
彼之自性如海寶 不增不減無有損
無邊功德亦復然 有刹無佛不聞法
於彼現作佛菩提 見彼由如大法藏
彼常說法離衆惑 十方世界無罣礙
亦如月光普照耀 教化衆生千方便
刹那刹那佛菩提 即見十方諸世界
常轉法輪安世間 勇猛徧轉十方界
彼諸聲聞辟支地 無邊變化佛莊嚴

大方廣持寶光明經卷第四 第三張

復經不可思議劫 化諸衆生親往詣
若男若女童男女 天人修羅龍王類
藥叉乃至摩護羅 以解脫智皆悉見
若諸世間衆形類 隨衆語言悉皆同
一切勇猛皆盡見 如是勇猛盡觀察
海印三昧從口生 得是海印衆三昧
能嚴不可思議刹 嚴飾不思議刹已
供養十方諸如來 如是種種供養已
復得光明衆嚴飾 若得光嚴不思議
則得無邊解脫智 若得無邊解脫智
得不思議身變化 若得如是身變化
口辯智辯亦如是 若得口智無礙辯
布施變化不思議 若得布施不思議
持戒忍進亦復然 若得持戒忍進通
禪定神變真能測 若得禪定神通變
出生方便神變智 得是方便神變智
出生無邊諸功德 從佛口生三摩地
三摩地入一微塵 一切微塵皆盡入
一微塵中難思刹 一一微塵皆悉見
如是佛刹微塵數 其中佛刹盡皆觀
種種微細清淨衆 無上貴重微妙刹
如實遠離出興世 其中秘密妙昇騰
有以除暗放光明 帝網重重復無盡

由如見一大光明 如是見一切微塵盡
此大仙行三摩地 即是無邊勝解脫
三摩地力供養佛 一切如來供養已
復於手中變千萬 作大丈夫與廣供
乃至十方妙花鬘 塗香發越珍奇寶
一手中親施與 菩提大樹詣佛所
價直千萬妙香衣 種種幢幡及傘蓋
閻浮檀金莊嚴具 彼自手中親施與
無邊一切所受用 清淨供養於大仙
手中奉上皆捨施 住佛菩提大樹王
乃至一切衆妓樂 擊鼓出衆妙音聲
種種雅樂琴瑟簫 一一手中親撫擊
種種讚頌妙伽陀 種種稱讚真寶德
無邊一切十方界 一一皆自手中作
或以光明興佛事 皆從右旋而動作
香水普灑諸佛刹 供養一切世間燈
光明嚴嚴適意香 蓮華瓔珞不思議
蓮花妙色無央數 一一自作供諸佛
放大光明嚴飾花 種種微妙花雲海
如是妙花普周徧 廣大供養作佛事
放大光明嚴飾香 種種微妙香雲海
如是妙香普周徧 廣大供養作佛事
放大光明塗香獻 種種塗香妙雲海

如是塗香普周徧 廣大供養作佛事
放大光明鬘嚴飾 種種微妙鬘雲海
如是妙鬘普周徧 廣大供養作佛事
放大光明珠香嚴 種種珠香妙雲海
如是妙香普周徧 廣大供養作佛事
放大光明嚴飾衣 種種微妙衣雲海
如是妙衣普周徧 廣大供養作佛事
放大光明嚴飾蓋 種種微妙蓋雲海
如是妙蓋普周徧 廣大供養作佛事
放大光明寶嚴飾 種種微妙寶雲海
如是妙寶普周徧 廣大供養作佛事
放大光明蓮花嚴 種種蓮花妙雲海
如是妙花普周徧 廣大供養作佛事
放大光明瓔珞嚴 種種瓔珞妙雲海
如是瓔珞普周徧 廣大供養作佛事
放大光明幢莊嚴 彼幢青黃具赤白
無數妙寶衆莊嚴 衆幢嚴飾彼佛刹
種種嚴飾摩尼網 懸繒幡蓋妙花鬘
垂珠瓔珞演佛音 持蓋常在如來上
假使供養一如來 手自供給不可數
如是盡諸一切佛 此仙變化三摩地
攝諸世間神通智 是爲最上三摩地
善行一切衆方便 如是化導諸群生

或有供養諸如來
尸羅清淨頭陀行
或有勇猛勤精進
智慧了達諸義趣
或行慈悲喜捨願
以智積集眾福業
或有根力覺道行
觀緣清淨緣覺乘
或見無常諸苦惱
非橫煩惱障所纏
於諸世間行精進
普願一切皆解脫
彼諸形類莫能測
嚴持欲樂妙變化
悉令歡喜獲安樂
若逢飢饉眾難中
一切愛樂悉從心
常以珍味之飲食
王物我所愛樂捨
殊持妙好相嚴身
塗香花鬘悅眾心
見者愛樂生歡喜
見諸最上微妙色
種種行施不思議
無盡忍辱非動搖
寂然禪定善修習
能行一切善方便
同事愛語利他力
解脫四諦十二緣
聲聞乘中得解脫
神通變化最上乘
非命非身卒暴眾
三摩地力能蠲除
演暢妙法化群生
訪諸眾生隨世間
神通密演三摩地
隨意引導諸世間
思念眾生無暫捨
種種安樂世所有
為諸世間廣施設
種種麗服及庫藏
一切世間隨意施
巍巍上行無傾動
現是色相化群有
上妙智慧種種色
隨意化導於世間

迦陵頻伽出妙音
緊那羅鼓出梵音
八萬四千如來藏
差別萬法妙能宣
眾生苦惱悉同行
造作一切諸行業
若逢災難苦惱中
代諸眾生受眾苦
若法或有或不至
與王於彼同敷暢
能離貪愛眾結縛
一切欲樂盡能超
彼放光明十種行
一切仙行悉了知
眾生等同無量壽
生老病苦不能侵
如有眾生樂燈明
老病死苦恒熾然
十力精進四無畏
我意思惟廣大功
譬如世間諸幻術
見諸如來化亦然
彼以種種方便行
白鶴計羅俱擊聲
恒演如來解脫法
一切勝義盡能行
隨意化導諸眾生
非惡非善亦復介
隨意化導諸眾生
見彼如是難堪忍
安樂一切諸世間
無智無福無解脫
拔濟眾生超彼岸
名為世間解脫主
出離解脫光明照
能行調御眾方便
觀見世間隨所作
坦然安隱而快樂
決定自見無常趣
世間癡暗燃大炸
世間引導諸眾生
如來十八不共法
於諸世間作佛事
能現種種眾色相
如是神變導諸有
善言誘喻諸眾生

譬如蓮花不著水
華辭捷利眾語言
瓔珞莊嚴舞旋轉
或作村營商主尊
輔相大目王給使
或於曠野作大樹
如意摩尼給所須
盡知未來生世間
經營農務眾方便
或現慈親無憎愛
洞明方論種種法
若行最上大神行
若諸出家苦行輩
若諸外道出家眾
裸形不動沙門相
或有常持捨身法
長髮鬚髻童子相
或有事日五多身
巡訪三時行供養
或有常樂天中智
尋求根菓水為食
或有躡坐紅色衣
持捧題名搭肩行
隨意造作差別行
妓舞戲玩相投撲
如幻現相各不同
長者賈客市中主
醫方大辯眾論師
珍寶妙藥無盡藏
失路迷人為導引
眾生不知自作業
世間工巧種種行
安樂一切諸眾生
彼仙開火光明道
天上人間皆解脫
開彼最上一切智
常持不語惱害摩
亦自依稟本師教
或即執有執本無
亦自依稟於本師
猶戒牛戒鹿皮衣
亦自依稟於本師
無善無惡撥無回
執為上味難思法
或有塗灰或卧草
亦自依稟於本師

乃至一一諸外道 皆悉令彼離結縛
彼行利智惡苦行 如是外道皆接引
世間同類皆教化 邪見摟託本靈跡
於彼方便演妙法 說此正法令他作
或演大乘真言行 正法秘要妙言辭
或於正直演實言 其中或演天妙句
或以文字得解脫 法集妙義金剛句
智慧破壞外論句 論說種種解脫言
或於人中演神呪 宣揚一切妙章句
其中或有天語言 龍王語言藥叉句
或於羅刹步多言 藥叉畢舍訖達嚩
緊那羅女戲嚩拏 演斯妙法解脫義
彼以智慧如法說 若佛若法如是盡
智道不可思議法 說此三摩地變化
解了世間三摩地 行於一切諸世間
或放光明難思議 光明引接諸眾生
或放光明名妙觀 乃至眾生目光信
彼得不空妙觀察 無上智及無上目
得見諸佛并聞法 及見僧徒諸功德
見塔讚佛甚希有 及見清淨光明照
或放光明名普照 徧照一切諸世間
一一微塵彼盡知 為欲安樂世間說
彼光普照諸眾生 常持燈明供養佛

大方廣持寶光明經卷第四 第十三張

持燈供養諸佛已 世間所有眾燈明
或以酥燈及油燈 松脂草竹及篋燈
眾香美味環寶燈 盡持光明施諸佛
又放光明名徧照 悉能觀察諸眾生
貪愛輪迴生死海 為欲拔濟諸群生
光照輪迴貪愛海 悉令利樂諸有情
皆得遠離於四魔 苦惱逼迫令安樂
作諸橋樑無有數 或於河路作形筏
吐呵假偽讚息災 彼放光明皆盡照
光明警悟渴乏者 彼能覺悟諸眾生
遠離貪欲獲善利 得為說法之導師
若離欲貪獲善利 說法化導亦復尔
得佛降靈甘露水 濟拔世間飢渴者
或作池河及井潭 穿鑿造作為菩提
呵毀愛欲稱讚定 呵責貪愛彼悉除
憐愍眾生放光明 彼光徧警諸群有
樂他變化住菩提 念念生心我當得
莊嚴相好蓮華座 大悲憐愍諸眾生
恒時演說佛功德 放光令彼生忻慶
又放光明名適意 是光能覺諸有情
於佛於法生愛敬 及樂恒時事眾僧
既得佛法生欣慶 及以給侍於眾僧
即礼如來聖功德 是故得佛無上行

大方廣持寶光明經卷第四 第十三張

遇諸如來并妙法 得最無上忍辱行
覺此眾多諸有情 念佛念法聖功德
一一功德心覺悟 彼放光明令趣求
又放光明集福德 此光能覺諸有情
捨施無數種種行 勸請無上大菩提
所求如意皆滿足 如是種種物能施
一切隨意施設已 積集福德放光明
如是智者放光明 彼光照察諸眾生
一法口宣無有盡 利那宣暢能觀察
法慧攝諸眾生義 智智悉能盡了知
妙法勝義已宣揚 即智放彼大光明
若以智燈放光明 彼光照察諸眾生
眾生不空無生滅 諸法自性即無性
如幻如霧水月等 如夢亦如鏡中像
法無主宰依於空 善說出生智慧燈
法力變化放光明 彼光警悟諸眾生
無盡惣持誰易得 持諸如來妙法藏
惣持妙法修習已 大仙之法常護持
宣暢是法為世間 是為法化放光明
或以好捨放光明 彼光能覺諸眾生
無常不久知快樂 如是捨離彼皆得
若諸眾生我難伏 了知自性如浮雲
知已好慧善安和 是為好施放光明

大方廣持寶光明經卷第四 第十三張

又放光明名懺悔 照察毀禁諸眾生
戒法清淨懺悔已 心生遠望當得佛
若諸眾生因持戒 現業毀禁獲清淨
彼同發此菩提心 放此光明彼盡懺
忍辱放光眾嚴飾 彼光照察諸眾生
瞋心極惡意難調 先以忍辱彼即除
自業難行忍辱行 於心不動菩提道
恒時稱讚忍辱行 是為忍辱眾嚴飾
又放光明光熾耀 照察懈怠諸眾生
三寶上妙諸方便 相續長時而供養
三寶種種諸方便 相續方便供養已
即能遠離於四魔 疾得無上大菩提
化諸眾生行精進 如是供養三寶已
恒持妙法無盡時 熾耀光明彼即得
又放光明作忍辱 普周覺察諸眾生
菩提遠離貪瞋癡 得心恒時無間斷
所有業行悉皆除 遠離一切諸不善
稱揚息災讚禪定 忍辱清淨放光明
智慧嚴飾放光明 能覺癡暗諸眾生
若說正法得解脫 徧能證入諸智根
若聞正法得解脫 徧能往詣根源已
即得日燈三摩地 得佛智慧妙光明
王之所有我能施 為求妙法住菩提

大方廣持寶光明經卷第四

大方廣持寶光明經卷第四

即得常時演是法 智慧光明莊嚴得
若佛放此大光明 彼光照察諸眾生
無數難思千如來 現座妙好蓮花上
大覺如來解脫我 無邊變化演佛音
作諸如來照察力 即得放此佛光明
又放光明施無畏 部多恐怖諸眾生
救諸患難羈縛縛 如是恐怖災難者
令諸眾生得安隱 悉能遠離於殺生
救諸業道患難者 得大無畏放光明
又放光明名安樂 安諸得病經綿者
一切疾疫盡療治 安樂禪定三摩地
種種醫藥花菓寶 塗香末香瓔寶味
香水乳蜜及酥油 飲食供養皆充足
見諸如來放光明 照察眾生命終時
教令念佛即見佛 命終決定生佛刹
臨命終時若念佛 見於佛像生愛敬
佛為往彼而救度 得見諸佛為說法
又放光明名法光 此光能覺諸眾生
聞法書寫讀誦持 常得愛樂於諸法
開敷妙法其難值 勤求妙法圓滿意
以諸方便獲斯法 是故說法光明得
又放光明名語言 佛子覺悟彼眾生
本願誓振三千界 聞諸如來眾言音

大方廣持寶光明經卷第四 第五張

高聲稱讚於大仙 大聲響亮鍾鈴施
為諸世間佛語言 是故得此語言光
又放光明施甘露 彼光能覺諸眾生
了知眾生起心時 一切功德相應行
無數苦惱災難中 恒說虛假無安隱
若常止息災難除 說施甘露悉皆得
又放光明名最勝 此光能覺諸眾生
勝戒三摩地亦然 聞佛最勝大智慧
無等淨戒三摩地 智慧第一大能仁
稱揚讚歎施菩提 彼當得此勝光明
為施無盡妙瓔寶 此寶供養於大仙
施寶供佛及佛塔 眾求求寶而不獲
施諸瓔寶得為佛 是故放光如寶嚴
又放光明往照耀 是光覺悟諸眾生
適意塗香人不艱 彼行如來功德行
入上人間所出香 用為供養諸如來
眾多佛塔我盡塗 是故放此塗香光

大方廣持寶光明經卷第四

乙巳歲高麗國大藏都監奉

勅雕造

大方廣持寶光明經卷第四 第五張

自他十刹微塵等
各各佛子衆團遠
彼以大仙化導力
手相圍遶大蓮花
此法是大調御師
得諸弟子衆團遠
如彼入於一方中
一切方中此皆盡
彼方覆開悉蠲除
或有從於三昧起
或有東方三昧中
或有西方三昧中
悉能入此十方中
廣能現此功德智
若盡異方一切刹
一一足下而致敬
或以三昧視衆生
一切如來悉現前
如是西方盡見已
於彼足下而致敬
彼以等持而正見
一切如來悉現前
入此十方佛刹已

蓮花生彼諸眷屬
安住徧入三摩地
衆生從佛功德出
同時合掌而恭敬
若入寂靜三摩地
由如衆星中朗月
顯示佛子并眷屬
變化示此三摩地
最上三摩地行入
自身顯示於十方
西方不起能搖動
東方現起大人相
異方復現諸三昧
大仙神變三摩地
無數如來皆往詣
現住安樂三摩地
西方盡刹而湛然
現作無數諸供養
復往阿僧祇佛刹
得往安樂三摩地
盡於東方諸刹土
又觀無數諸供養
一一方盡無動搖

於中現起諸三昧
彼於眼塵三昧中
見此不可思議色
既觀色塵三昧已
眼之自性非生滅
或有耳塵三昧中
入於一切語言音
既觀聲塵三昧已
耳之自性非生滅
或有鼻塵三昧中
如是妙香悉徧入
既觀香塵三昧已
鼻之自性非生滅
或有舌塵三昧中
如是上味普徧徧
既得上味三昧已
舌之自性非生滅
或有身塵三昧中
世間觸塵普徧入
既觀觸塵三昧已
身之自性非生滅
或有心塵三昧中
既觀法塵三昧已
種種供養世間燈
能現大色諸境界
天上人間悉愕然
作是思惟眼塵境
是故開闢無相空
能現大聲諸境界
天上人間悉愕然
審諦思惟耳塵境
是故開闢無相空
能現大香諸境界
天上人間悉愕然
復諦思惟鼻塵境
是故開闢無相空
能現大舌塵境界
天上人間悉愕然
審諦思惟舌塵境
是故開闢無相空
能現大觸塵境界
天上人間悉愕然
身塵徧起諦思惟
是故開闢無相空
能現大法塵境界
復諦思惟心塵境

心之自性非生滅
彼以三昧嬰孩身
彼現成年三昧已
住此衰老身三昧
住此優婆塞三昧
住此比丘身三昧
住此多聞身三昧
既住如是身三昧
住是如來身三昧
住此最上三昧
從此天形身三昧
從此大龍身三昧
從此藥叉身三昧
從此步多身三昧
從此一毛端三昧
從此一切毛端中
從此一髮塵三昧
一一髮塵三昧中
若見一塵三昧已
若見一一塵三昧
從此金剛際三昧
從此摩尼樹三昧
從此如來光三昧
是故開闢無相空
出現成年壯色住
復住衰老朽痼身
復發心作優婆塞
改質現作比丘身
即得多聞比丘身
即得有學無學身
即得住於如來身
得佛最上妙色身
化身現作天人形
出生衆多大龍身
出生諸大藥叉身
出生一切步多身
現前出生一毛端
出生一切衆毛端
出生一髮毛端塵
出現一切髮塵境
復能出現微塵數
出生一切微塵盡
出生大海金剛際
出生摩尼樹花葉
出現如來大光明
出現一切江海水

從此江海三昧中 復現大火塵境界
從此火塵三昧中 出生風塵之思念
從此風塵三昧中 出生大地塵境界
從此地塵三昧中 出生一切天宮殿
於此宮殿三昧中 思念等彼虛空界
三昧解脫不思議 悉得無邊諸功德
復能照耀無邊劫 一切如來盡難量
一切如來同說此 世間業果難思議
龍化雲水佛入定 定中變化不思議
見彼出生說少分 於中彼眾悉驚怖
法師方便智令知 所說敏速能解了
即得住於八解脫 聲聞得一即為多
或是得多由如一 觀彼虛空光熾焰
炎赫熾盛俱洞然 周匝俱為熾火城
火城下徹於水輪 於輪坐卧而安住
剎那身變不思議 彼眾無有大悲心
菩提行遠棄世間 身雖變化不思議
不能利他為世間 譬如日月遊虛空
悉能照見十方界 陂湖池沼及淵泉
方圓大小寶海河 悉現不思議色相
如日照見於十方 如智解脫諸三昧
若見如來佛亦然 澄湛池邊四兵眾
各各於中而現形 利劍弓刀箭甲冑

大方廣持寶光明經卷第五 第三十 宋

兜鍪覆膊條鐵札 見彼如來光明網
解脫功德三摩地 乃至眾生出生海
自身語言皆歡喜 一切隨類能了知
人間天上過有無 婆羅門女稱讚彼
為無嫉妬得起身 不能成就大檀行
無人不喜智功德 能現種種無邊色
百年由如於風燭 世間變化如幻夢
如智善修人皆喜 天得修羅自退散
兵甲自退而散走 自說身變不思議
現身變化能如是 帝釋眷屬乘大象
一一復現於六牙 池中現水皆盈滿
蓮花種種而在嚴 亦如眾色而莊嚴
不令憎愛離疑惑 夫中海內說彼名
聞彼所說盡能知 愛樂貪惠雜語言
得妙慈持法之力 名為觀嚕婆慈婆
志願無有愛惠心 雖有辯才愛惠存
名稱遠聞於世間 譬如明智作幻術
或於晝夜月一念 云何幻化有愛惠
定知遠離於解脫 天與修羅共鬪戰
以蓋覆上乘車輦 修羅於彼生愛惠
富貴勇猛無能敵 能持大龍及金剛
此象頭現三十三 一一牙上現七池
一一池現七蓮花 一一花中復現七

大方廣持寶光明經卷第五 第三十一 宋

天女一切悉能知 能解歌舞眾妓樂
帝釋天眾同娛樂 知彼自身復龍形
得同一切而變化 種種造作等莊嚴
或時現龍為最上 彼現有愛有惠癡
隨自福業現神變 智力方便相應行
非三摩地不能作 由如羅睺身變現
變為金剛縛足下 現身海中水至臍
頭與妙高而同等 彼有愛惠貪瞋癡
羅睺神變力如是 魔王破壞世間燈
若現神變無有邊 帝釋化現不思議
天與修羅共戰時 制伏修羅不能變
彼現自身於帝釋 能知修羅勇猛力
同時自往帝釋前 各各執持於金剛
修羅執持而戰慄 變現千眼能怖畏
光明熾盛執金剛 身披甲冑有大力
修羅既覩而退走 彼以薄福力不任
帝釋為天現神變 一切世間盡能救
說此神變福無盡 空中天鼓勸諸天
說於彼眾業果報 知天耽著於慾樂
天鼓出聲而救度 觀身無常不久停
此等自性不能了 如幻如雲翳星月
萬物自性如夢覺 一切煩惱惡家因
除得甘露離無常 其中若有樂耽著

大方廣持寶光明經卷第五 第三十二 宋

無常迅速如摩竭

一切眷屬悉遭苦

聖者增長於一切

樂著慈樂如盲人

若有聞法免無常

鼓為帝釋常誠勸

及諸天眾說妙法

恒時演暢妙語言

無邊煩惱能廣說

彼能現此無色相

天鼓出於大音聲

隨諸天意現眾色

廣為無作諸眾生

天與修羅相持時

以天福力勝於彼

天鼓空中勸天人

出眾音聲悉同彼

天鼓勸令生忻喜

得生遠離兵怖畏

修羅王眾自退散

剎那恐懼盡消除

鼓施甘露經劫數

救度一切諸世間

彼離煩惱魔王眾

不受煩惱說安樂

帝釋天女九十二

化身令他悉歡喜

一一幻身與彼同

一切天女各同示

諸女同時貪慈樂

若住自性妙法中

而為開示演妙法

帝釋神變一剎那

帝釋有愛有慈癡

唯自娛樂諸眷屬

無人於世恒方便

世間變化離愛慾

魔王闍諍住世間

攝伏一切眾生類

煩惱業力索普縛

愚迷眾生不能脫

彼等有愛有慈癡

一切世間魔王攝

住於十種業道中

一切世間自破壞

梵王宮殿三千主

乃至梵王三千宮

普現其身於中住

梵天王出妙音聲

梵王於彼世間中

定知梵王能變化

彼經劫數如剎那

不能一念生悲智

過於三灾壞劫已

不思議心諸世間

眾生業報心生風

風能成就諸世間

四海眾山天宮殿

廣大種子光明寶

風能生雲而降雨

雨止風卷雲自收

風能成熟世所有

安樂眾多諸世間

彼不學於波羅蜜

亦復不學佛功德

能現世間不思議

雖能如是人莫觀

乃至飛禽走獸聲

女聲童男童女聲

雲雷震吼海潮聲

眾生各各悉聞知

各各聞於自性聲

以廣大辯無礙知

江河各出廣大聲

世間娛樂妙音聲

如來法海甚希有

能攝一切諸眾海

海得妙寶水無盡

江河竟謝復不增

由如一切世間海

定慧解脫福無盡

智智出生諸功德

得福功德亦不增

婆伽羅龍能自在

從下往詣化樂天

廣布慈雲四大洲

無數種種而莊嚴

化樂天中閻浮名

現雲普徧眾妙色

或變紅珠光晃耀

觀史多天金雪色

焰摩天中吠瑠璃

忉利天中瑠璃藏

四大王天水精色

金剛堅固海雲色

緊那羅宮香發越

龍王宮中蓮花色

堅守大力烏黑色

阿修羅宮山石色

上妙金光陽焰色

異域他州種種嚴

瞻部州中青碧色

雲色各各隨洲變

化樂天中現金雲

由如閃電日光色

妙色等同清淨月

觀史多天紫金色

焰摩天中金雪同

忉利天中瑠璃色

四大王天水精色

金剛堅固海雲色

緊那羅宮香充滿

龍王宮中蓮花色

堅守大力烏黑色

阿修羅宮鐵山色

上妙清淨摩尼照

種種差別而莊嚴

瞻部州中月摩尼

電光所至亦如雲

化樂天與梵王天

同現鼓聲悉周徧

觀史多天雅樂聲

焰摩宮中天女聲

四大王天乾達嚩

山相擊聲海潮聲

緊那羅宮俱擊聲

龍宮如陵頻伽聲

堅守宮中龍女聲

修羅宮中琴瑟聲

人聲海聲笙簧聲

化樂天中天妙香

雨花種種而莊嚴

妙摩尼月妙月中

曼陀花曼及塗香

觀史多天摩尼色

種種妙寶眾嚴飾

如月光明摩尼鬘

續紛亂雨金色衣

種種幢幡及寶蓋 嚴持塗香妙花鬘
金色真珠紅色衣 焰摩天中恒時雨
切利天中如意珠 塗香栴檀及沉水
切姑摩藥天妙鬘 香水及雨衆妙花
珍異飲食增長力 得香美味與熙怡
殊特妙寶不思議 雨四天王及龍宮
雨於大海能堅牢 如是無量無有盡
庫藏無盡甚廣大 恒雨無邊勝妙寶
妙衣莊嚴彼充滿 又雨栴香末利香
或作微妙琴瑟聲 緊那羅女雨瓔珞
龍宮恒雨紅色珠 堅守光明摩尼寶
破壞冤家弓敏捷 修羅宮中雨劔戟
無價瓔珞令彼安 雨瓔末利瞻波迦
雨於清淨俱闍拏 更雨種種妙燈光
閻浮提人皆歡喜 復能忻樂妙法雨
花樹菓樹及香樹 天妙衆物安世間
如是難思雲莊嚴 霹靂雷聲雨莊嚴
如是龍變難思議 彼恒住於大海水
龍現變化上難思 若入法海功德中
無邊變化非測量 此義譬喻說少分
如是說彼調御師 此勇猛智離譬喻
若此現住解脫門 說此解脫爲最上
廣大微妙無上意 得未曾有真實意

大方廣持寶光明經卷第五 第十五

持

如是勝上甚深意 是法難行希希有
世間所有行行人 若聞最上解脫已
世間恭敬而稱讚 衆生身道難得聞
如是此法能尊重 若能作福獲安樂
自他因力而恭敬 彼於人間離疑惑
聲聞乘中不生疑 碎支佛乘亦復然
彼復不疑衆多乘 住彼大乘未爲難
恭敬此經甚難得 云何讀誦而受持
若住此法云何行 假使三千山及海
盡未來劫而頂戴 如是勤苦未爲難
恭敬此經甚爲難 三千微塵等衆生
一一於前經劫住 如是勝福未爲難
信此經者甚爲難 假使十剎山及海
如此而能掌中持 如是勤苦未爲難
恭敬此經甚難得 十剎微塵等衆生
一一面前經劫住 最勝福報未爲難
信此經者甚難得 十剎微塵等衆生
一一經劫面前住 若於此法讀誦持
勝前功德阿庾多 如來開此解脫門
若於十方一切剎 悉能降伏魔王宮
導引無罪悉安隱 若諸十方仁師子
彼從口中現一切 舒手安於頭頂上
無邊功德普吉祥 一切如來口中出

大方廣持寶光明經卷第五 第四

持

如來以手摩其頂 解脫法門應善說
汝等應當廣流布 勿令此法而斷絕
世尊佛說此伽他 說已默然而寂住
尔時三千大千世界一切諸天及諸
人民海會聖衆同作是言此是如來
第二會轉此法輪讚言善哉善哉世
尊希有希有我等過去未曾聞說如
是正法若有衆生聞此正法甚爲希
有即得不生貧窮下賤之家心得平
等由如供養恭敬衆多如來是諸衆
生展轉相教如佛塔廟彼諸衆生天
上人間魔王眷屬彼不能害若諸人
天在家出家是諸國王及諸大臣長
者宰官亦不能害
是時尊者須菩提白佛言世尊希有
如來云何得此如是寶光明經正法行
於世間此衆經中寶皆是如來威神
力故出現世間復次是諸衆生得聞
是法亦是如來威神力故
尔時世尊復開金口告尊者阿難言
汝當受持阿難如是正法勤心精進
受持讀誦是時尊者阿難達佛三匝
而作是言世尊我當受持如是正法

大方廣持寶光明經卷第五 第十五

持

永不忘失佛說此經已一切聖眾菩薩普賢菩薩妙吉祥童子尊者舍利弗等諸大賢聞天人阿修羅軋達縛等聞佛所說皆大歡喜頂禮而去

大方廣勸持寶光明經卷第五

甲辰歲高麗國大藏都監奉勅雕造

大方廣勸持寶光明經卷第五

第十四

素

不 No. 1006

佛說守護大千國土經卷上

素

更修經卷並和合事佛說守護大千國土經卷上 施護 奉 錄

如是我聞一時世尊住王舍城鷲峯山南面佛境界大樹林中與大苾芻衆千二百五十人俱其名曰尊者舍利弗尊者摩訶目犍連尊者摩訶迦葉尊者伽耶迦葉尊者那提迦葉尊者摩訶那提迦葉尊者阿若憍陳如尊者優樓頻螺迦葉尊者摩訶迦旃延尊者跋俱羅尊者姿敷槃豆尊者俱絺羅尊者嚩訶舍尊者阿濕縛尔多尊者須菩提尊者蘇婆呼尊者阿寧嚕駄尊者難提枳曩尊者離跋多尊者准提曩如是等千二百五十大苾芻衆俱是時摩竭提國韋提希子阿闍世王供養恭敬尊重讚歎以衣服卧具飲食湯藥珍玩寶物而供養佛及比丘僧是時大地欻然震動大雲普覆起大惡風雷聲震吼掣雷霹靂降大雨雹周徧而震十方黑暗星宿隱蔽日月不現不能照曜日無暖氣亦無光明人民惶怖是時世尊以淨天眼見毗耶離大城王及居民有

如是等災難覺起復次毗耶離別有離車子等或有內宮嬪妃妹女爲彼鬼神之所惱害諸王王子及諸老幼奴婢僕從并諸眷屬皆爲鬼神惱害惑亂彼毗耶離大城一切人民若苾芻苾芻尼優婆塞優婆夷皆悉恐怖悶絕悼惶身毛皆豎仰面號哭而作是言

曩謨沒駄野曩謨達摩野曩謨僧伽野一心歸依乞求加護或有婆羅門及諸長者不信三寶歸向梵天王者或歸向大帝釋者歸向護世四王者歸向摩醯首羅者或寶賢藥叉大將滿賢藥叉大將訶利帝母日月星辰山林藥草江河陂池園苑塔廟隨所樂著悉皆歸敬作如是言我此災禍怖畏患難誰爲救濟去何令我速得免離今時世尊愍諸衆生別現瑞相起變化行以是行故令此三千大千世界天人阿修羅聞其音聲生恭敬心皆來集會是時索訶世界主梵天王與梵天天子衆俱天帝釋與忉利天衆俱四大天王與四天王天衆俱二十八太藥叉將與三十二大力